

唐玉帆作

瘴慨集

梁其之徐四者弟



慷慨集

商衍濬題



玉虹先生慷慨集

橫槊雜處

弟吳前恆題



# 自序

茲集胡爲而以慷慨名也。曹孟德云。慨當以慷。憂思難忘。范希文曰。先天下之憂而憂。後天下之樂而樂。今外寇雖平。內患未息。復興之機已至。復興之象猶賒。吾不能以無憂也。且夫慷慨云者。有鬱於心。長歎舒氣。以宣之之謂也。昔者賈生痛哭。竟悲短命。吳質長愁。亦損天年。今日之世何世也。自吾有生迄於今。耳有聞。目有見。爲之怒髮而衝冠。爲之握拳而透爪。爲之嚼齒而穿齦。使無以舒吾氣。解余心。吾隨賈生吳質爲地下遊也久矣。余自束髮爲詩。至三十歲。刻有五言樓詩稿五卷。未刻稿二卷。違寇難西行。有贛湘稿一卷。有人蜀稿十集。一曰西征。曰劍外。曰廣都。曰廣都續稿。二續。三續。曰辛巳。曰峨眉。青城合稿。曰甲申。曰江上雜吟。自九一八以後。至勝利前止。專紀攘戰史實。曰國聲集五集。自勝利後三四月來。爲大中華復興詩稿。亦近百首。總計平生所爲詩。蓋有

過於放翁萬首之半。若全刻之。以今幣言。非數百萬金不可。茲摘刊最近所爲大中華復興詩稿中十之二。入蜀稿中二千之一。合得四十餘首。夫文以見志。孟子有言。奮乎百世之上。百世之下。聞者莫不興起也。夫當把筆落紙時。無自奮乎百世之上之志。感發乎百世之下之誠。亦何貴乎其文哉。吾之爲詩也。有時泣下霑襟。繼之以血。有時喜至忘形。頭濡杯盤。吾豈爲無病呻吟。吾豈以嘖笑隨人。得失寸心知。至誠通鬼神。吾將攜吾之詩。以高歌於曠野叢塚之間。舊鬼新鬼。必隨予啾啾而啜泣。吾將攜吾之詩。以高歌於孤舟大海之上。魚龍蛟鯨。必跋浪掀濤。張鱗掉尾。擁予而交吟。吾將攜吾之詩。以高歌於風雨狂至。雷霆交作之際。風雨雷霆。必驚駭而立止。有不然者。吾亦推書撲筆。從此輟詠矣。

大中華民國三十四年十二月十五日聶公唐玉虬敘於成都青石橋寓舍

慷慨集

武進髯公唐玉虬撰


觀成都慶祝勝利大會

夏正七月二十六日  
世界通行歷九月二日

三島歸誠日。萬邦懽舞年。蛟鯨碧海靜。星斗絳霄妍。火炬千城夜。壺觴九野天。將何持此勝。終日自乾乾。

又五言古

釁生有狂志。少小慕衛霍。雖頗習孫吳。未入武曩讀。不獲事軍旅。違心攻文學。胸中包熱血。無由灑沙漠。百年蒙國恥。展史淚常落。左眦裂扶桑。右眦滴南服。謂越南也垂淚五十載。含憤滿寥廓。高歌滿江紅。釃酒弔武穆。常想薛仁貴。征東道未熟。不趁風帆利。遺此寇何酷。驕鯨翻巨浪。誓欲吞吾族。怵哉去年禍。勢迫劄黔筑。兵家哀者勝。愷悌神所福。何幸天日開。山河今盡復。凱歌滿道塗。錦繡簇



城郭拜賜仁隣助。蓄怒勝兵速。鏗鏘華夏聲。雷霆高天作。吾雖處冗散。鼓舞神  
躍躍。奇功何必我。此志喜見豁。長願作腐儒。餘生甘藜藿。還撰告墓文。父師當  
瞑目。漉漉銀河流。高瀉洗兵甲。驕盈天所誅。憂勤祐斯篤。常凜大敵前。兢兢履  
冰薄。殷鑒亡國痛。高躡興邦躅。無忘在溱沔。漢運萬年燭。敢告諸君子。無忘在  
巴蜀。撫降古有禮。吾不念舊惡。

海風送捷音。處處作凱奏。成都大都市。繁華西南首。萬民齊謹評。跋躡亦奔走。  
家家羅珍羞。村村置醪酒。笳鼓喧地來。雜劇無不有。或幻諸海族。或幻諸奇獸。  
魚龍蹴海立。獅豹張牙吼。火炬簇天明。灼爍亂星斗。更作諸嬉戲。俳謔脫頰口。  
人多忽略視。我獨凝竚久。大衢與小巷。錦綵錯戶牖。勝過三月時。桃杏花競秀。  
此是英雄血。徧灑六合透。一夜東風開。美豔還濃厚。食果味自甜。食花心自苦。  
多少英雄骨。高過華頂樹。誰保此勝利。萬禩磐石固。

諸將自英雄。駕馭元首聖。羣公贊密勿。能各輸忠盡。自來制疆場。先得廟算勝。日月久昏霾。星辰紛墜實。淵衷山岳峙。勝天由人定。大計一動搖。乾坤早壘粉。寸膠合九州。洪流砥柱穩。偉哉此功德。永與神禹並。

### 擬別武侯祠

昔寓錢塘日。常謁岳王祠。歲除一尊酒。風雪泣陳詞。岳王死於除夕。常於今是夕以尊酒奠王墓。

來寓蜀國時。趨葛侯埤。乾坤兩祠宇。巋然峙東西。古人不可作。今人與我違。古人雖已往。典型猶在茲。出入兩祠間。精神時相依。胸中覺軒翥。浩氣倏來歸。抗聲誦雙表。餘響入松廳。冥冥良有會。落落何所施。涕淚一生盡。此懷欲語誰。仰視天宇闊。撫已歲已遲。獨有筋骨健。躬耕力未疲。苟自全性命。長謝風雲期。今逢東道關。賤子念柴扉。不歸長來游。歸當從此辭。

### 擬別工部草堂



高步塵世外。獨以詩篇馳。長安多卿相。今知姓字誰。壯遊乾坤內。清標鸞鳳姿。萬里覓竹實。偶落浣花溪。公緣避寇亂。余亦因亂離。窺公草堂址。低徊令余思。想公落成日。興發何淋漓。開門看大江。登榭望峨眉。蜀中山水秀。庶亦慰周飢。文章揚馬後。獨裁歸總持。三吏與三別。剴切陳警詞。銀河洗兵馬。高會興王期。篇篇關社稷。筆筆補瘡痍。依舊堯日月。清澄照硯池。偉哉稷契懷。慨然想設施。何人得其髓。舉世得其皮。嗟嗟余小子。七載于茲羈。時時上公堂。日日讀公詩。冥冥精神會。沉酣奪珠璣。鏗鏘揚國聲。雷霆訾醜夷。今幸煙霧霽。或卽還山扉。丈夫一落跡。長與天地垂。懷之不能忘。獨詠江流歸。

交趾痛

吞炭學閉口。插劍肝腸截。我有至痛懷。緘未向人說。欲說淚先流。仰天三嗚咽。交趾秦漢郡。秦隸象郡漢武帝滅南越置交趾九真日南三郡漢改交州唐虞著版籍。羲叔宅南交。文明首

先關。裔出神農氏。炎黃同血脈。交趾者交趾。足南而首北。本是華夏土。一體甯  
受裂。地位兩粵等。交廣原並列。何年誤國臣。竟把雙足別。中外所未聞。戰勝將  
地割。當時鎮南關。諸將叩關泣。當時彭玉麟鮑超等率勁旅駐鎮南關下聞清  
廷割地命咸以首叩關慟哭乞收回成命率旅  
出關悲聲動天地。激楚迴風雪。大錯鑄已成。眼枯復何益。業業子材旌。鼎鼎永  
死戰福載。百戰陷陣勛。一時俱灰滅。遂使百兆民。哀哀墮萬劫。朝鮮與臺灣。今已見  
天日。獨有此州岷。益甚倒懸厄。投筆起拔刀。衝冠髮盡立。恨我爲腐儒。救汝曾  
無力。莫驅十萬師。摧廓迅霹靂。平生赴義心。肝膽空突兀。生愧爲丈夫。不如化  
異物。在山爲虎豹。取食強暴骨。在水爲蛟龍。激海蕩虜跡。皇天鑒至誠。聽我歌  
激越。祐我中國強。遠繼秦漢烈。救我炎黃胄。置之於衽席。後來英俊人。稽古慎  
無闕。知我下筆時。筆筆皆鮮血。努力圖自強。嘗膽臥荆棘。

虞書堯典。申命義叔。宅南交。平秩南訛。羲氏爲堯時天文家。是則越南實爲

我國文明最早啓發之地。意當時必有天文臺設置其處。韓非子由余對秦穆公曰。昔者堯有天下。南至交趾。北至幽都。信乎交趾在堯時。已著中國版籍矣。自唐虞歷夏商周秦漢晉宋齊梁陳隋唐。世爲中國州郡。史以交廣並稱。其在中國地位。實等於廣州。爲我國南疆最重要之地。宋明以後。始有所謂安南王。然明代設交趾布政使。則其行政權。仍由中國政府操之。交趾者。足趾相交也。我國地勢。向以西北爲首。爲肩背。東南爲足。爲尾閭。諒山之役。我國以戰勝國。昏庸政府。反刖雙足與人。有志之士。痛之至今。

詰暹羅

萬國齊歡慶。此邦獨不然。舊本我藩服。後更從賊焉。及茲猶不悛。爲惡如爲山。哀哀我僑胞。被爾日殲旃。殲之亦何罪。慶我勝利故。狂寇有悔心。爾無所畏懼。文王伐崇虎。賢聖所難恕。曰修我干矛。曰整我旌旆。無曰爾國遙。豈出八紘外。

猶望能幡然。修好繼前代。

友人鄧平巖函告奉委黔之册亨縣長報以詩

仁者聞爲宰。我心歡如何。册亨遐僻邑。漢少夷人多。夷漢雖有殊。稟性豈有他。撫之苟有道。子來其婆婆。儒者位天地。胸府皆陽和。小作一邑春。桃李笑盈坡。湯湯流日下。紆紆萍逐波。所貴君子德。獨立無所阿。用夏能變夷。百世俎豆峨。陽明道在邇。取法庶無訛。嘆余年卽衰。懷古空吟哦。五十無一命。長當歸烟蘿。翹首西南望。貽我五袴歌。

送林文奎赴任臺灣空軍司令

天地氣方塞。山河不自維。天地氣欲闢。絕島自飛歸。一國如一體。大氣統領之。興邦有王氣。蓬蓬包四夷。嗟我當清季。氣衰血貧時。臺灣一掌地。久離不相依。陷入虎狼口。言之心慘悽。今我氣復壯。東虜趨危微。臺灣復來歸。遺民喜還悲。

喜脫寇暴虐。重入父母懷。林侯彪彪者。鵬搏夙著威。銜命作司令。勁風九萬吹。余性好遠游。心已隨侯飛。人事多束縛。心往身仍羈。聞說寇去後。黔黎徧瘡痍。元氣僅一縷。肉脫筋羸疲。爲語牧民者。加意勤撫綏。何以肥吾民。言割蛟鯨脂。何以供薪芻。言刈扶桑枝。侯亦招鵬鷖。大樹空軍基。擊海厲羽翮。扶搖到天池。布揚漢威德。鞏我東藩籬。提劍更四顧。誰猶未附麗。

紀席生言

名毓隆。空軍士校第一。期畢業。今以功陞中尉。

常憾爲腐儒。生當爭戰世。深憎寇虜狂。莫救蒼黔害。嚼齒空穿齦。衝冠還裂眦。今朝席生來。使我一增氣。生云昔在校。病疽黃竟體。西醫告不治。將從淘汰例。殺賊徒有心。留學已無計。惘惘意如失。恨恨身欲棄。藥師發圓光。轉變事亦異。先生爲治療。清淡只數味。一劑病卽知。兩劑病良已。鵬鷖長羽翮。陡入雲霄裏。俯衝有餘快。高搏彌得勢。蛟蛇輸天矯。雷電遜輕銳。名標龍虎榜。身列鵬鷖隊。

崑伺鵠臯羣。遂我搏擊志。奮迅衡陽天。遑厲潼關外。河嶽風塵高。飛揚拳爪利。南北無空闊。縱橫隨指示。殺氣接滄溟。壯心蓋邊塞。三年矢忠貞。作戰十一次。平蕪毛血盈。賤體瘡癥萃。已破羣醜膽。爰揚大漢幟。常懷先生德。深解先生意。昔慚不敢見。今見意當慰。先生歎文儒。此事已足紀。何必赴沙場。身卽子之代。誰起溝壑瘠。添我風雲翅。折肱術誠神。報國道無貳。聽生言始喜。聽罷忽墜淚。寇虜攻吾國。衡陽守爲最。慘等睢陽城。烈媿代州事。(明周遇吉守代州)暴骨齊衡山。流血溢湘水。神靈皆雨泣。原野絕人類。恆思奮身去。同爲國殤鬼。中宵熱血騰。轉側何能寐。豈知生此時。鷹揚雲漢際。下擊訇雷霆。橫掃驅腥穢。塞余赴難情。耀子屠龍技。從知青囊中。術與韜鈴會。藥籠奇物多。方製陣名配。但擇英雄醫。庶備干城衛。

大戰後朝鮮獲爲獨立國。領袖金九歸主國政。陪都士夫。競起爲餞。余隔

在成都。情不能禁。擬作贈行詩。

望爾能立國。劇於自強情。我僅見陵侮。爾竟遭兼并。甲午年來事。言之淚先傾。爾沉東海底。拯爾力無能。我敗東海上。星散鶴鶴營。含憤訴蒼昊。蓄怒兼幽明。精衛銜木石。終填東海平。夸父忿逐日。鞭日墮東溟。爾起重立國。言返舊畿京。玉馬昔朝周。金罍此贈行。箕子受封地。情本親弟兄。昔壞新舊黨。今收朝野英。懲前而啓後。爲之宜有程。多少英雄骨。復此舊基宏。艱難猶未盡。力競終遇亨。大哉乾坤內。吾道實堅貞。飄飄舟東逝。脈脈此貯誠。長望億萬載。兩邦同向榮。

航空委員會政治部簡主任參加監督外蒙古獨立投票歸。晤談有感因

擬贈外蒙古詩

中國天地量。大邦父母心。十字闊大熟讀吾國歷史及深識四書五經精義者以爲實然非余之誇言也有來斯受之。撫字責何深。料理其飢凍。綢繆到衣衾。子長能自立。別開門戶臨。附我我何利。

祇是增我任。以大事小義。孟子闡發酣。能立心自喜。參天望梓枏。五族共和國。  
蒙位實中參。若繹共駕旨。豈容中脫驂。分任還共衛。此事原可堪。爾已立門戶。  
晝夜自檢尋。無爲蛇蠍毒。無被虎狼侵。北障藉爾鞏。南屏吾鬱森。念爾居北海。  
冰雪天常陰。猶思送煖氣。彈我薰風琴。自南直吹朔。春陽到爾襟。豈以爾獨立。  
已余顧復忱。爾伺南飛雁。常盼寄好音。天心原悅豫。余懷自可諶。共樂乾坤內。  
何分南北岑。

述事並弔周志開將軍。

三十年冬空軍驅逐總隊集訓第三四五三大隊大隊長以下飛行人員於雙流機場兼總隊長劉

公炯光延余講學庸課

不用泝澣。大用可封侯。不龜手同藥。用者殊其儔。儒者抱道術。原自包羣流。  
近日各武鬻。敷教承寬柔。元首頒特令。厥旨深且周。增設學庸課。于以啓兜鍪。  
三十年秋委員長手令各軍事學校增設學庸課余主講學庸。須與武經通。聽者鷓鴣侶。職高位已崇。



因人以爲言。參酌用斯洪。是時雙江上。浩浩翻雄風。聯合三大隊。訓練乘寒冬。摘其驅逐暇。加以磨琢工。余講定靜章。反復三致意。靜中靜非難。動中靜斯貴。極動中能靜。大任斯堪界。何者爲極動。百萬兵猝至。八方合圍來。厥聲動天地。吾乃僅空營。攻出吾不意。寸心了不動。如珠沉在水。大敵雖當前。靜籌應付計。昔者懿於亮。西城卽其事。西城原無備。大敵猝來臨。城門反大開。高樓響琴音。由亮心不動。故能駭懿心。亮若一動心。早爲懿所禽。何能三千載。大名垂至今。心何能不動。道義爲之本。鞠躬盡瘁死。八字大學問。人生誰無死。知死氣自振。游及天下事。恢恢心益定。解一又如大敵來。豈能無破綻。此心若一動。但駭敵勢盛。靜者窺其瑕。攻瑕可全勝。昔者曹孟德。百萬下江東。東吳士大夫。競請迎曹公。惟有瑜與肅。堅謂曹可攻。衆人方寸亂。但駭操勢兇。操軍諸瑕點。難逃瑜目中。一一示諸掌。一炬曹兵空。史冊傳美談。萬古赤壁紅。瑜肅亦靜者。兵家大英

雄。二解儒無不能兵。脈理本相融。兵家極精微。儒書已先窮。吾能爲此言。無所用

諸躬。不用泝澣。大用可侯封。君曹善決擇。巨筆待書庸。極論吾抵掌。聽者皆

動容。有彥周志開。默若會諸胸。明年在梁山。竟以奏膚功。奏功事如何。是日天

氣昏。吾往炸宜昌。去機響成羣。寇賊亦殊智。撥機躡蹤來。防空不傳警。直謂吾

機歸。是日吾往炸宜昌之機實有命停恩施已過梁山巔。卽臨機場頂。紛紛在場者。欲辨猶未省。

及至猛省時。禍發在俄頃。司令不及令。駕員不及駛。惟有視場機。一任寇機燬。

一鶚直穿天。三梟俄殞地。志開以隻機起飛疊擊落敵轟炸機三架羣衆方愕眙。志開在雲際。司令

不及令。駕員不及駛。何以志開身。已與機並起。是何靜者心。而具大勇氣。造次

顛沛中。熟精緻身義。靈警不失時。把捉沉酣邁。轉其惡劣境。更居優勝勢。若非

窺其瑕。胡從得此利。彈如連珠發。敵惟奔命避。從知國有人。不敢復輕視。鷹隼

擊高秋。烏雀徒送死。政府策殊勳。懋賞以不次。由上尉立陸少校青天白日章。元首爲

親繫空軍破天荒。空軍軍官賞青天白日勳章自志開始前此未有也中國奇男子。四海傳瑤觴。千秋表

青史。昔者高志航。猛烈三軍冠。自負迴天力。竟遭滅頂慘。敵機臨頂志航仍欲駕機起擊其始事與

志開同。銜恨入地深。奇功待君纂。造父駕術精。由基弓法擅。學養俱到處。毫髮無

遺憾。自傷一腐儒。常希救世難。五十無所裨。數言惟君贈。哀哉君已逝。無由相

印證。烈士無令終。報國已攄憤。

詠新津飛機場寫視平巖祕書

正正平平萬頃田。中無畛域更無邊。誰治心地同寬廣。容得千羣橫海鷗。玉虬

如此若生往代豈不足幸天下乎

平巖有詩見和作此轉和之

萬層雲海入君胸。我亦奇懷罩碧穹。鷹隼蛟龍任飛躍。星辰出沒景無窮。

弔美國羅斯福總統三十四年十二月五日作去總統之逝已逾半載矣

西方聖人出。東海聖同心。要識陳兵甲。原求制暴侵。萬靈竚位育。五陸在胸襟。  
堯舜道同軌。湯文德並岑。仁懷丁叔季。浩劫盡蒼黔。肆毒炮燬酷。開眸塗炭深。  
一人橫行恥。千旅赫然臨。巨艦輸軍實。飛緋挾彈吟。雷霆遜威力。雲霧豁淫陰。  
陣展鷗鵬翅。韜緘龍虎音。出車何蕩蕩。飛旆更森森。數道迫桑島。會師趨柏林。  
東西雙管下。艱鉅一身任。心力誠交瘁。機鈴尙獨斟。摧枯震金鉞。破竹駭霜鐔。  
強虜將嬰組。深宮忽輟琴。普天齊下淚。率土似淋霖。身後殊勳集。壇邊舊約尋。  
和平終實見。元惡會雙禽。此願誰酬償。雄風絕古今。丘軻徒僕僕。政羽失駸駸。  
大地掌中轉。異人余更欽。人心奈叵測。殺氣未全沉。虞詐互相襲。話言難可諶。  
高瞻寰宇內。猶有負公忱。

### 述懷

五十猶無聞。自分今生畢。平生讀書史。慨然慕古昔。遐哉漢唐威。八荒咸震懾。

踰澥攝窮島。大小歸版籍。南海貢明珠。肅慎楛矢集。天馬大宛來。巨象緬甸出。異物難悉數。焜燿輸京邑。蕩蕩武帝勛。煌煌太宗業。衛霍實佐命。蘇李助撻伐。赫赫照青簡。堂堂朝萬國。郁郁二千年。四顧猶帖帖。熊熊康雍際。濟濟乾嘉日。持較漢唐始。亦自有壯色。得爲中國人。體面尊無極。迨我有生初。余生甲午歲此道已衰歇。蝦夷犯王師。海軍書敗績。四陬生藐心。紛然遂離析。如日益沉淪。嗟然長夜黑。哀我炎黃胄。何能免及溺。幸逢英豪興。共仰拯援力。八年苦攘戰。復我舊邦物。朗然天宇清。此功同開闢。胡乃蠻夷長。猶敢肆輕忽。西南山崖間。僑胞慘流血。大國有洪度。小儒憤所切。踟躕搔白首。毫髮無裨益。此生長已矣。此懷莫重述。有願待來生。一一補我闕。十三卒詩書。十五學騎射。二十爲大將。年少尤白皙。裘帶羊祜儔。顧盼公瑾埒。馬前揖賓朋。馬上講經術。一聲號令嚴。百萬貔貅發。仁義行弔伐。王者師無敵。遠布唐虞教。近紹漢唐烈。征誅嬗禮樂。干戈

化玉帛。萬國仍朝宗。棧杭密相接。流連歎無涯。華風靡不及。文明更遠被。日月同出入。殊邦遣子弟。來學爭負笈。太學躋多士。聽講煩重譯。洋洋絃歌聲。施及乎蠻貊。復覩漢唐盛。寤寐我心悅。大笑辭金印。高歌被短褐。歸去事躬耕。終老在阡陌。

寄題大明寺雙栴

壬午歲作

雙栴何夭矯。高聳岷山麓。雄枝摩碧穹。大根蟠赤谷。黛色混青城。風聲動西陸。放翁曾題詩。壯句鬼神服。今更八百年。大氣彌磅礴。由來棟梁具。多棄在深壑。任重出天性。美奐由斤斲。萬鈞有不辭。舉世無屬目。豈伊得地偏。自不負所託。上可接天柱。下可結坤軸。倘生媧皇代。無取神鼈足。神州今崩淪。風雨滿寥廓。廣廈今不見。羣黎莫棲托。天意篤此材。人鑒失遠燭。賦詩寄山靈。志士淚同落。

離堆觀江濤

二十八年元旦作

曾讀放翁離堆作。肝膽輪囷山岳搖。丈夫志欲澤天下。觀水一放胸中豪。予生四十蟠泥底。是歲余年四十六。遘難忽到青城椒。百里先驚雷電鬪。巨聲裂谷蛟龍號。秦守斧痕赫然在。峻崖大石鐫其勞。似覩神君騎赤鯨。攬轡雲途蹤未遙。大賢小試尙有利。數州萬古流春膏。千秋不乏屈賈輩。空留著作鳴刁騷。嗟余默默將誰語。臨江不覺沾綈袍。壯汝萬里赴海志。堂堂雪陣青天高。妖氛漲海白日暗。神州流血何滔滔。荆門虎牙列戍守。漢皋潯陽爲賊郊。此去要須審所向。好與王師送征艘。不然還歸藏巖壑。毋與蛟鱷添波濤。

讀詩詩四首

原本二十三首茲錄讀子美太白牧之放翁詩四首

一代哀歌作萬方都枕戈。筆迴唐社稷。淚續漢山河。余亦墮兵際。其如無斧柯。

七年三蜀道。花柳復婆娑。

讀杜少陵詩

高詠蓬萊頂。風雷筆底催。黃河天上落。明月酒邊來。高興故難及。奇懷獨自開。

千篇猶未足。八斗豈言才。讀李太白詩

高唱春風裏。清狂寄酒杯。珠簾十里卷。紅粉一時迴。擊筑多奇氣。談兵亦異才。

吾謀適不用。誰謂棟將摧。讀杜牧之詩

篇篇說恢復。字字看飛騰。策騎河冰合。橫戈關月升。松亭夢中奪。劍閣醉時登。

白髮空歸去。鏡湖歌採菱。讀陸放翁詩

贈空軍士校第三期全體畢業生之伊甯受訓三十一年冬

春風吹桃李。桃李競芬芳。爛漫豔陽景。風花兩相忘。花雖不憶風。風能不相憶。常思送煖氣。花花都結實。個個堅且好。焜耀照麗日。君今伊寧去。道路阻且長。邊城寒氣早。山川冒雪霜。望君各珍重。個個保健康。明年春草綠。奮飛還故鄉。殄寇立功績。千載有輝光。

憶西征士即士校三期畢業生至伊寧受訓者



寒雲高嵯峨。冰氣塞太空。念我西征士。正在征途中。欲拂雪嶺過。遙借鷓鴣風。雪嶺峻萬仞。已無道可通。搏風九萬上。更見鷓鴣雄。上下冰一色。山川浩無窮。但看志氣猛。勿覺冰雪重。去海三萬里。華夏車書同。始知中國大。益足開心胸。豈憚習戰苦。常期立功豐。羈客久梁益。鄉心日夜東。從今念征士。更佇西日紅。

紀夢從軍

癸未歲七月十二日夜。夏正六月十一日夜余夢參岳鄂王軍事。隨王誓師朱仙鎮。將

揮兵渡河。王悉錄其子少壯四五人。盡隸軍前。負弩先驅。幼子纔五六齡。不任干戈。余進謁王曰。盍釋諸徒死無益。王曰。無國何有家。吾子豈可使躡於犬羊之蹄乎。且欲責三軍之死。而以寬吾子。不可。余感王言大泣。不可仰。三軍盡泣。遂覺。覺時哭聲猶動枕函間也。余平生多異夢。然無有悲壯若此夢者。平時喜讀古兵書。讀史喜讀戰爭事。顧值此大地戰伐時。不獲給事軍門。

以自效。茲乃獲參岳家軍事。雖爲夢乎。有餘欣矣。紀之以詩。

朱仙鎮前角聲起。萬丈戰雲壓金壘。未搗黃龍氣已吞。直取烏珠如孺子。撼山猶易撼岳難。一岳堂堂勝范韓。獨立軍門誓師旅。雄風烈烈吹大旛。將軍揖客有古禮。參軍進言似魚水。誓復山河歸大宋。一洗腥臊靖康恥。三軍齊唱滿江紅。壯聲浩氣凌高空。戈戟如林指伊洛。兩河豪傑來趨風。魚麗陣前鯉庭比。去聲全家從軍古無此。無國那復更有家。博得三軍心盡死。三軍心死戴將軍。淚落如雨沾衣巾。余亦涕泗不可仰。覺來哭聲聞比隣。嗟哉放翁常恨生不逢楚漢。擐甲橫戈夜酣戰。余生雖逢戰伐時。未獲軍門按長劍。空將心血耗詩文。何時得建汗馬勳。世廟御事不爲夢。情所注處卽爲真。岳家忠義動天地。千載記我唐參軍。

羅祥止讀余夢參岳家軍詩。治石章見贈。時正洛陽大戰後也。感事撫時。

慨然有作並視羅君甲申夏

唐子奇氣蓋八垠。前夜夢參岳家軍。眼見熊羆渡河洛。揮鞭直指收燕雲。覺來拔筆題長句。猶餘馬汗沾余身。羅子鐵筆世罕有。贈我石章懸左肘。便覺殊勇生胸臆。何處寇氛纏北斗。洛陽城南戰雲高。唐子偏落蜀西郊。顧印誦詩自歎息。頭上蕭蕭生二毛。嗟哉吾謀適不用。鯨鯢敢趁潮頭動。後世何嘗有金元。萬古江山歸大宋。羅子不是好事人。奇懷原與吾相共。

詠大雪山。是日新霽有白雲籠罩之奇觀也

峨峨白玉城。還出瑤峯上。高秋霽西極。曉日射銀榜。素色映夔巫。灑然心目曠。平時務扃閉。煙霧重重障。青天露肺肝。朵朵蓮花樣。南北互萬里。崢嶸非一狀。俄焉起變化。瑰璋皆寶相。恍如大海面。風動波濤壯。何必千仞巔。平地慰遐想。奇觀吾能詠。吾歌復誰賞。摩蕩胸懷間。突兀起層嶂。

昔年觀潮浙江岸。銀濤轟似大雪山。今觀雪山蜀西郭。還似大海翻銀瀾。乾坤東西兩奇觀。何意盡入胸懷間。造物變化原難測。鯨生亦有五色筆。偶然着紙雷霆驚。千載萬載看崢嶸。

覽勁草園主人楊鵬升金石書畫展三十三年春

疾風著勁草。露下開芙蓉。主人居芙蓉嶺。徧栽芙蓉。遇屯氣益增。乃見君子胸。西郊一高閣。

插脚岷江洪。霜稜一萬尺。看君露筆鋒。上追斯邈迹。下薄晉唐風。禹鼎靈怪避。秦璽篆刻宗。撐懷奇未盡。乾坤凝結融。燁燁雲雷起。揮來數百峯。石石看皆聳。

巖巖望益崇。似聞虎豹歎。威懾狐羣空。香開大國花。樹挺太古松。畫多尋丈。松梅大幅。腕

底有鬼斧。毫端奪神工。良馬與寶刀。原盼沙場功。鵬舉報國志。淚灑滿江紅。深

深涅背字。豈曰徒效忠。書有良馬寶刀。盡忠報國一聯。三十年華逝。八千雲月濃。寇虜猶未滅。

英雄恨無窮。却教迴壯思。灑落縑楮中。如何不壁立。千仞摩蒼穹。勢欲壓東海。

永滅鯨鯢蹤。衆人玩游藝。志士識深衷。共是懷熱血。蒸騰失三冬。誰伐南山竹。篇篇書車攻。

題曾胡閣

在勁草園中  
爲楊鵬升作

韓范騎箕久。曾胡迹未遙。巍然江上閣。誰此焚蘭椒。一代碩德臣。百年名世豪。君寄社稷重。人望斗山高。由來集大勳。人才以爲寶。曾胡開幕府。瑚璉盡人抱。仁風播海甸。秀擢羣芳草。楊侯敬尤深。築閣雲林杪。斥金購遺書。坐閣恣探討。細至書法末。廣求護藏好。此閣岷山下。氣壯岷山巔。萬峯來環拱。大江落青天。當日曾胡胸。有此闊與寬。寤寐求俊傑。潭潭包羣賢。今誰搜逸才。爲國計萬年。

夾江木城鎮懷襄陽龐德公

龐公由襄陽鹿門移隱  
此今其手植柏尙存

漢末龐德公。高風不可攀。小友猶堪王霸佐。先生有道出羲軒。劉表親造不肯出。獨以至安遺子孫。歲時上祀先人塚。負耒聊作隴畝民。一朝攜妻子。採藥遂

不還。白雲重重林壑邃。只道先生隱鹿門。豈知遠遁峨眉麓。手種老柏今猶存。先生心事不可測。黃鵠高飛萬里雲。耆舊傳裏空想像。仙人別住桃花源。後來龍鳳皆入蜀。未聞軒蓋尋隱淪。士元孔明尚不知蹤跡。何況悠悠世上人。接與遁跡

大峨世多知之。龐公棲隱峨眉麓。知者絕少。邈矣。德公不可尙兮。鳳舉麟遊。孰得而蹤跡之。

重題先人玉公仿梁風子畫壽星謝大風堂主人張大千

懸畫高堂上。馳神人粉堵。神畫兩相合。吾形復何所。物類思其先。人生念厥祖。

作畫者何人。欲言淚如雨。荆川之玄孫。司馬玉虬八世祖。薊門公。執玉雍正朝。爲兵部尙書。署直隸總督。皇

祖父君俞名獻可三才子。語見錢牧齋列朝詩集。唐獻可小傳。叔也鳳鸞舉。伯氏曰宇。昭畫苑清聲。

著。叔也字全名。人玉爲其甫。別字曰天客。邈哉雲霞趣。值明鼎革時。弟昆深堦

戶。煙霧繚天地。心胸託縑楮。流傳數行墨。遠越萬里土。小子十葉孫。血胤昭可

數。豈意流離人。先筆天邊遇。公他了無遺。音容莫可覩。僅此一繪事。瀟灑見風

度。大風堂主人。豪俠世同許。慨然脫手與。久假不追取。長日徘徊觀。沉酣精神注。况見下筆時。怡怡顏色豫。瓶笙館底月。照我衣裳素。落落仰矩型。煖煖見噢咻。十世如同堂。祖孫儼對晤。已合何可離。寧死得相聚。思欲效相如。抱此頭碎柱。思欲效米黻。抱此逃水府。情急天地窄。思深鬼神苦。古人爭一玩。生死有不顧。我祖精神寄。子孫忍棄去。偉哉大風堂。今之書畫庫。唐宋人名作。插架塞棟宇。捐此一梯米。寧損其富鉅。在我而得此。萬鍾不足喻。久欲陳此辭。踟躕獨多慮。今春<sup>三十四年春</sup>商太史。歡然來告語。見說賢主人。竟以相贈付。天闊雲情高。海廣流澤溥。聞此心大喜。中夜起狂舞。迴我必死心。償我必得慤。祖畫與孫枝。從茲締合固。何以謝高情。百架珊瑚樹。何以酬大德。十二連城璐。璐珊難驟得。小詩已成賦。佳話流藝林。傳之萬萬古。將畫載輕舟。搖搖過灑瀕。鼉鼉不敢驕。蛟龍不敢怒。箭激出三峽。萬猿啼不住。

送商太史藻亭仁丈之渝州待舟返鄉

公昔與虬書。高論天下事。徵之五年後。一一若數計。公今理歸裝。昔茲同抱戚。憂戚豈盡解。干戈猶未戢。流離在道塗。仁者難安宅。憂戚亦何爲。八年寄梁益。太史日作書。南山竹爲空。虬也日高歌。震倒峨眉峯。上天生我才。不爲世登庸。誰使公與虬。有此閒散工。竹盡峨眉峯。倒相將出蜀中。公前虬隨後。連舟順流東。激浪下三峽。惱殺岷江龍。

題憶西征士後卽以寄慰

教養逾三年。身等黃金鑄。旣鑄何復毀。忽乃推之去。聯翩逾二十。悵惘無所愬。念似已落花。誰更爲回護。我心太傷悲。踟躕日顧步。昔望個個實。飄零幾半數。人事與天心。一何相違迕。縱思送煖氣。無力吹上樹。獨有盈眶淚。轉隨江東注。昔者伊寧道。今日巴渝路。天寒到爾身。何所縫繒絮。壯士多熱血。欲灑知何處。



隨分可報國。慎勿將心誤。遇窮終不變。始識金石固。昔時悔鹵莽。此日在磨鑪。

雜書

世有司馬公。不用蘇東坡。今無曾文正。曾能容人。虬若生逢。玉虬徒勞歌。哀哉

兩決絕。與世決絕。但自伏巖阿。曠觀古今。除却堯舜禹湯文武。周孔即大賢君子。一

不用蘇子瞻而用蔡京此三代以下政治所以不足觀也

從來讀書人。不知讀何書。但自使意氣。克己竟何如。偉哉先荆川。進道勇萬夫。

撰公年譜十年博考羣書後世胸襟隘。何知三代儒。先荆川初期砥厲氣節為

而始知之非阿其先世也

書示內子珊若。珊若入醫院列治歸無

騏驎終無兒。蘭草不結實。悠悠天地間。一任馨逸絕。商瞿晚無徵。伯道早自摘。

余始有子學平生慷慨心。誓欲強吾國。東西南北間。落落人誰識。五十猶無聞。

自分今生畢。尙望有似續。桑榆看奇績。竟無一滴血。傳我性激烈。回顧兩猶子。侍我已過膝。能否如幼度。謝玄字慰我地下骨。但自飲醪醴。但自鼓琴瑟。相對惟歡娛。相看日將夕。

平生常慕霍嫖姚。驅兵萬里絕天驕。何物人間霍仲孺。奇氣生此英兒曹。身不能爲霍嫖姚。得爲仲孺心亦豪。笑看兒曹建殊績。揚我大漢聲威高。嗟哉玉虬今已老。兩無所得心徒勞。仰視星辰何爛爛。橫覽八極長滔滔。萬丈光芒屬彩毫。不如身橫三尺刀。哀哉玉虬他日死。魂逐橫海將軍艘。生未能執干戈衛社稷。死當爲驅蛟鱷平波濤。

讀楊雲史丈哭吳孚威將軍詩感賦

原本六首

大將有揖客。慕賢追古風。一言意氣合。萬里死生同。哭范游髯白。哀嚴甫淚紅。如今賓禮絕。士有臥蒿蓬。

魚水成深契。鸞龍締好音。將軍三尺劍。烈士一生心。此義向誰說。臨風沾我襟。

當年范陽道。未鑿執鞭枕。虬曾上書爭威未蒙鑒納

上將挺天威。時移詠式微。千軍龍虎散。一士鳳麟稀。滄澗波爭立。山河景半非。

蒼茫燕市月。來照謝鞞衣。雲丈是時遁跡九龍島

雜書二首

行盡崎嶇萬里途。今吾猶是故之吾。懷中獨抱冰天月。不羨人間照乘珠。  
葉底青蟲化蝴蝶。穿花度水好風情。本來身世都移變。莫怪全忘舊日盟。

西安張寒杉仲民先生云將復來成都別經歲矣。詩以速之。

太華九千仞。突兀摩蒼穹。旁有寒杉子。骨氣與之同。筆底秦相篆。高追泰山封。  
畫梅具老格。一洗凡豔空。歷來名撰作。爛熟於胸中。不矜意態傑。光燄自如虹。  
今代斯人少。在古亦人雄。相別忽經歲。相思無終窮。藻老下渝州。虬亦將歸東。

踟躕獨何待。尙思一會公。天寒百卉枯。蒼松不改容。長想夫子顏。輝映華嶽峯。臨行莫遲遲。束裝但匆匆。應如梅花發。開門忽相逢。

奉別林舍人山腴仁丈

流離不餓死。終思返里門。他鄉亦已故。何必自家園。父母已雙歿。惟存丘與墳。師座亦黃土。問道永無緣。不歸空悵望。歸徒惻心肝。宗老喚我歸。行止難自專。山公儒者宗。八年顧我親。殷殷常垂意。勸作成都人。今日論耆舊。海內幾人存。長願奉杖履。何忍命車輪。低頭觀江水。仰首看星辰。斗杓夜夜轉。于邁在初春。已料作歸計。未敢向公言。東風吹楊柳。萬縷千條起。游子心如此。撩亂難自理。上堂與公辭。出門淚不止。大道久沉淪。日月行將毀。栖栖復何爲。采采勤服餌。松根劔參苓。雨苗餐菊杞。祈公頤養善。眉壽松喬比。貞木保碩果。儒林留種子。歸當重來遊。來奉百歲觴。莫言長相思。相思萬餘里。

留別成都諸友人

故鄉自欲歸。他鄉久亦故。况多同心人。時得傾肺腑。去違此朋知。住違親墳墓。去住兩難定。祇是攪我慮。人身非天雲。安得飛兩處。握手別諸子。淚滴如雨注。駐車龍泉驛。回首東門路。依依何忍離。惘惘終當去。夜聞江濤聲。猶憶抵掌語。八年跡盡陳。亂山上煙霧。亂山何能隔。精神時相遇。君居大江源。我在江委住。一年常相憶。好景輪日數。四五月月缺。三五明月素。東風吹我心。長挂青城樹。

詠嶺南胡藻斌遺作羣虎圖

藻斌居香港香港陷倭人欲污之不屈施以毒水鍼未幾毒發死

胡公筆下有生虎。倭人之技如鼯鼠。鼯鼠技窮作降虜。虎威長在孰敢侮。出山風。還山雨。雨昏月黑人失途。虎出虎歸日如炬。胡公畫手歸黃土。羣虎赫怒在粉堵。羣虎赫怒在粉堵。胡公夜起前山覷。或問鼯有毒螫人能致人死故用鼯班家虎頭威絕域。顧家虎頭畫中傑。畫虎何如身作虎。坐觀生風衛中國。猛虎在

深山。藜藿無人採。國家有虎將。寇暴何由起。胡公畫虎隻隻生。可能盡化班仲昇。長驅絕域不藉兵。卅六人逾萬雷霆。吁嗟胡公不可作。後人畫虎須量度。畫虎莫但作虎形。虎形還須虎膽略。

前意未盡再賦

大風堂主雙筆雄。長公畫虎名寰中。筆纔落紙人驚駭。滿堂颯颯生長風。嶺南畫手胡藻斌。畫虎斑斑尤逼真。出筆已看草樹偃。四山狐兔皆愁辛。出山入山氣皆壯。爪牙森森刀鋸狀。峯高月小萬仞巔。獨遊彌覺天宇曠。寰宇昏昏盡人夢。獨醒哀彼沉迷衆。不搏狐兔歸去來。長歎一聲山谷動。尚有紀胡夫人語一首擬入大中華復興

第一集

補錄讀詩詩二首

懷遠曲江作。高追三百篇。九州明月夜。萬古有情天。闔閣光皆滿。庭階望更圓。

皇家失金鑑。蜀道暗堪憐。讀張文獻公望月懷遠詩

韋詩故澹泊。意象却無倫。春色郊原盡。孤花篇裏新。空山落松子。深夜憶幽人。

月出高齋冷。翛然翰墨陳。讀韋蘇州詩

自沙河堡回簇橋寓道登成都南城遠眺

雲樹鬱岩曉。登城望四郊。大江胸外闊。故國淚邊遙。羈客年年老。離心寸寸焦。

雙流小歸止。還指水南橋。三十一  
年作

清明後重游灌口作

昔歲衝寒游灌口。看花今日到青城。千重山翠春陰厚。萬壑江源雪色清。高處

似聞歎鸞鶴。下游誰爲靖蛟鯨。李家祠廟崢嶸在。志士臨風涕淚傾。三十一  
年作

留別某校

髯也雄心壯歲飛。而今老去太淒其。瀕行爲講班超傳。訖望雛鵬張國威。

# 52-

000-615-

3